

SU CONTU DE BABBU
NADALE E S'ISTRIA
BERRITA



Joyce Mattu

In sa domo de Babbu Nadale fiat totu aprontadu pro partire a ue sos pitzinnos: s'islita, sos donos, sas rennas....fiat mesunote!!!

s'arrellozu de sa pratza aiat tocheddadu doghi bortas

“Intende est arribadu Nadale!!! naraiat Tzichedda sa renna....

“custu note giughimus sos donos a sos pitzinnos, fiat ora!!!” narat Sisìnnia s'àtera renna.

“Ma in ue ch'est Babbu Nadale?” narat Tzichedda

“ Babbu Nadale, Babbu Nadale in ue che ses? Sas rennas mutinde-lu

Innoghe che so!” narat Babbu Nadale, essinde dae domo sua

“Babbu Nadale a partimus?” narat Sisìnnia





“Eja so prontu.....arribende so!
naraiat Babbu Nadale ghirende-
che a domo sua.

Babbu Nadale non si fiat abizadu chi
Gina s'istria fiat crocande in
un'abete
totu lughente.



Sas istrias, nd'ischimus! faghent
tìmmere a sa zente, cun cuddos
ogros grogos, ma a nàrrere sa
beridade sas istrias sunt bonas a
beru e s'ispassiant meda a fàghere
brullas a chie b'est a fùrriu.

Gasi chi s'istria Gina detzidit chi cuddu
note diat a àere fatu una brulla
manna a Babbu Nadale.



“ si non nos moimus amus a arribare a tardu mannu! E no amus a pòdere giùghere sos donos in unu note” naraiat Tzichedda totu bundosa.

“Ajò partimus!!!” abboghinaiat Babu Nadale essinde dae domo sua

“Oh Babbu Nadale! ma in ue che nd'est sa berrita tua?” Naraiat Sisìnnia

“Boooo! Non dd'isco !” naraiat Babbu Nadale tochende-si sa conca...

Ite!! non dd'schis in ue ch'est sa berrita tua???” narat Sisìnnia

“Luego la giughias in conca“ narat Tzichedda

“ E como in ue ch'est???” narat Sisìnnia bundosa

“ Non mi l'ammento prus!!!! narat Babbu Nadale

“ As pompaidu in suta de letu?” narat Tzichedda

Babu Nadale recuit a domo sua , pompia in suta de letu
ma de sa berrita nudda, mancu ispera!

“ Nono, non b'est” narat Babbu Nadale

“ As pompiadu in s'armuà? “ narat Tzichedda perdende-
che sa passèntzia

Babu Nadale aiat pompiadu puru in s'armuà ma sa berrita
non s'agataiat in logu....

“Nono !! narat Babbu Nadale, non bi nd'at mancu
innoghe!

“pòm pia in suta de sa poltrona?” narat Sisìnnia



Babbu Nadale pompiat in suta de sa
poltrona sua, manna manna, a
curtzu de sa zeminera, ma nudda,
mancu in cue bi fiat nudda, de sa
berrita mancu ispera!

“E como ite faghimus!!??”
dimandaiat Sisìnnia a Tzichedda
totu isprammada





Sa renna Tzichedda fiat pessamentosa meda;
Babbu Nadale non fiat mai arribadu a che
pèrdere sa berrita.

“Craru siat chi Babbu Nadale chene berrita
non podet èssere a beru Babbu Nadale”
pensaia Sisìnnia

Su tempus colaiat. Babbu Nadale puru fiat
pessamentosu: pentzaia a totu sos
pitzinnos de su mundu chi in cuddu note
màgicu ispetaiant pròpriu a issu. Comente
podiat èssere istadu gasi chene conca . In
ue podiat èssere sa berrita sua????

“ Semper sa matessi cosa: s'annu coladu, at
pèrdidu sos guantes, s'annu in antis sas
otzeras e como....sa berrita! Mi paret chi
est a beru imbetzende” narat Sisìnnia.



Tzichedda in s'interi, chircaiat sa berrita in totue,
cando totu in una, che bidet un'iscàtula manna
prena de berritas totus ammantadas dae su nie.

“Babbu Nadale !! beni a innoghe, curre!!! beni
beni!!!! l'abboghinaiat Tzichedda

Dae un'arratu fiat coladu mesunote, tando sa gente
de sa bidda de Babbu Nadale, pessamentada pro
more ca s'islita non fiat galu partida, aiant
adderetzadu cara a domo sua, pro cumprèndere
ite fiat incapitende.

“Pòm pia !!” Narat Tzichedda, cun sa manu cara a
s'iscatulone

“ est prenu de berritas, mancarì b'est fintzas sa tua!”
narat a Babbu Nadale.

Babbu Nadale pigat dae s'iscàtula una berrita... fiat
in colore de castanza, si la ponet in conca.....





“ma...ma... Nono! est sa mea! “narat su
mastru de linna pighende sa berrita sua
dae sa conca de Babbu Nadale.

Babbu Nadale nde pigat un'àtera, si la
ponet in conca ma totu in una, intendet
una boghe abboghinende: “ Nara tue!
Cudda berrita est sa mia! Torrami-la
deretu!!!!

Babbu Nadale como fiat a beru tristu e
iscorazidu:

“Nemos at a retzire donos custu note!!
Deo non so unu Babbu Nadale in
ghentina, chene sa berrita mia”



S'istria Gina, crochende in sa mata, fiat
ispassiande-si a beru; in conca teniat sa
berrita de Babbu Nadale, ma nemos si nde
fiat abizadu, nemancu sa Renna Tzichedda!
A sa muda, a sa muda s'istria bolat dae sa
mata, aberit sas alas suas e bolat a fùrriu de
s'islita de Babbu Nadale, colende oru oru a
sosorros de Sisìnnia.
“Pompia..... Pòm pia in cue..... Babbu Nadale
....ampània in ue che nd'est sa berrita
tua!!” abboghinat Sisìnnia, a boghe prena.



Babbu Nadale mancu male! Che
bidet sa berrita sua ...e s'istria
Gina s'acocovetat a bellu a bellu
in su bratzu suo.

“Le' sa berrita tua “ narande-li
s'istria a Babbu Nadale.

Babbu Nadale si vestit sa berrita in
conca.

“ Ampaniade!!! Babbu
Nadale giughet sa berrita!”
narat Sisinnia


“Como lu podimus nàrrere a
beru!!! “ Narat tzichedda
totu bressada




“ Ispeta unu paghitzeddu.... “Narat
Babbu Nadale, sedende in s'islita
sua

“OHH como si, chi lu podimus
aboghinare a prummones prenos
.....





Bonas Pascas de Nadale a Totus!! ”
narant Tzichedda, Sisìnnia e
craramente... Babbu Nadale,
bolende artos in su chelu
isteddadu....



Bonas Pascas de Nadale



Biblioteca de Lodine

*ULS Joyce Matù Retrica,
Provintzia de Nùgoro*